



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՌՈՂՋԱՊԱՀԱԿԱՆ ԵՎ
ԱՇԽԱՏԱՆՔԻ ՏԵՍՉԱԿԱՆ ՄԱՐՄԻՆ

ՂԵԿԱՎԱՐ

N 01/2507-19

«22» 03 2019թ.

0047 ՀՀ Երևան, Նորք-Մարաշ, Ա. Արմենակյան 129

☎ (374-10) 65-05-53, 65-46-95

Ֆաքս. (374-10) 65-16-60

Էլ. փոստ info-atm@moh.am

ԿԱՐԳԱԴՐԱԳԻՐ

«ՐԻՏԱՐՍ» ՍՊԵՆԿԵՐՈՒԹՅԱՆՆ (ՀՀՎՀ04428415) ԱՌԱՋԱԴՐԱՆՔ ՏԱԼՈՒ
ՄԱՍԻՆ

Հիմք ընդունելով «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «բ» կետը և հաշվի առնելով ՀՀ տարածքային կառավարման և զարգացման նախարարի 2019 թվականի փետրվարի 4-ի N 01/15.2/652-19 գրությունը՝ ՀՀ առողջապահական և աշխատանքի տեսչական մարմնում (այսուհետ՝ Տեսչական մարմին) 2019 թվականի փետրվարի 25-ին հարուցվել է վարչական վարույթ՝ ՀՀ առողջապահության նախարարի 2010 թվականի հոկտեմբերի 01-ի «Ավտոբենզալցակայաններին և ավտոգազալիցքավորման ճնշակայաններին ներկայացվող հիգիենիկ պահանջներ» N 2.1.7.004-10 սանիտարական կանոններով և նորմերով (այսուհետ՝ Սանիտարական կանոններ և նորմեր) թիվ 21-Ն հրամանով հաստատված 3-րդ գլխով, ՀՀ առողջապահության նախարարի 2009 թվականի ապրիլի 16-ի «Հանարակական զուգարաններին ներկայացվող հիգիենիկ պահանջներ» N 2-III-2.13 սանիտարական կանոնները և նորմերը հաստատելու մասին» թիվ 06-Ն հրամանով հաստատվածի հավելվածի (այսուհետ՝ Սանիտարական կանոններ և նորմեր) սահմանված պահանջների պահպանումը պարզելու նպատակով:

Հիմք ընդունելով «Վարչարարության հիմունքների և վարչական վարույթի մասին» ՀՀ օրենքի 45-րդ հոդվածի 5-րդ մասը՝ հարուցված վարչական վարույթի շրջանակներում 2019 թվականի փետրվարի 26-ին «ՐԻՏԱՐՍ» ՍՊ ընկերությանը պատկանող՝ Նորակերտ համայնքում գործող գազալցակայանում Տեսչական մարմնի Հարավային տարածքային կենտրոնի մասնագետի կողմից իրականացվել է զննում, որի արդյունքում պարզ է դարձել.

1. Զուգարանի մոտեցման ճանապարհը ապահովված չէ համապատասխան ցուցատախտակներով, որով խախտվում է Սանիտարական կանոնների և նորմերի հավելվածի 2-րդ գլխի 8-րդ կետով սահմանված պահանջը:
2. Զուգարանը ապահովված չէ մաքրման գույքի պահպանման համար սենքով կամ պահարանով, անհատական խցերում և նախամուտքում պատի կախիչներով, որով խախտվում է Սանիտարական կանոնների և նորմերի հավելվածի 2-րդ գլխի 9-րդ կետի 5-րդ և 6-րդ ենթակետերով սահմանված պահանջը:
3. Զուգարանն ապահովված չէ հեղուկ օճառով, ձեռքերի չորացման համար էլեկտրական սարքով կամ թղթյա միանվագ օգտագործման սրբիչներով, զուգարանի թղթով, խցիկներում աղբանոթներով, որով խախտվում է Սանիտարական կանոնների և նորմերի հավելվածի 4-րդ գլխի 26-րդ կետով սահմանված պահանջը:
4. Լուսամուտի օդանցքները ցանցապատված չեն, որով խախտվում է Սանիտարական կանոնների և նորմերի հավելվածի 4-րդ գլխի 27-րդ կետով սահմանված պահանջը:
5. Մաքրման գույքը չի պահվում առանձին սենքում կամ պահարանում, որով խախտվում է Սանիտարական կանոնների և նորմերի հավելվածի 4-րդ գլխի 28-րդ կետով սահմանված պահանջը:
6. Հասարակական զուգարանի մաքրման և ախտահանման աշխատանքների վերաբերյալ չկա պատին փակցված ժամանակացույց, որտեղ աշխատակցի կողմից պետք է կատարվեն նշումներ՝ յուրաքանչյուր մաքրման աշխատանքից հետո, որով խախտվում է Սանիտարական

կանոնների և նորմերի հավելվածի 4-րդ գլխի 29-րդ կետով սահմանված պահանջը:

7. Հասարակական զուգարանի ախտահանման համար չեն օգտագործվում 1%-ոց քլորամին Բ, վացող-ախտահանող միջոցներ՝ 5 գ. 100սմ² մակերեսի հաշվարկով, 0.5%-անոց վացող նյութի և քլորամին Բ-ի խառնուրդ, կալցիումի հիպոքլորիդի (0.5%) կամ Առողջապահության նախարարության կողմից սահմանված կարգով թույլատրված համարժեք այլ լուծույթներ, որով խախտվում է Սանիտարական կանոնների և նորմերի հավելվածի 4-րդ գլխի 31-րդ կետով սահմանված պահանջը:

8. Տարին 2 անգամ չեն կատարվում միջատասպան և կրծողասպան աշխատանքներ, որով խախտվում է Սանիտարական կանոնների և նորմերի հավելվածի 4-րդ գլխի 33-րդ կետով սահմանված պահանջը:

9. Հասարակական զուգարանում կենցաղային աղբի չի կուտակման կափարիչի ոտնակային հարմարանքով աղբարկղերում տեղադրված պոլիէթիլենային տոպրակներում, որով խախտվում է Սանիտարական կանոնների և նորմերի հավելվածի 4-րդ գլխի 36-րդ կետով սահմանված պահանջը:

10. Հասարակական զուգարանի սենքերի օդային միջավայրը հոտից և վնասակար մանրէներից զերծ մնալու համար չի ենթարկվում ճառագայթման (օզոնացման միջոցով)՝ առնվազն երեք ամիսը մեկ անգամ, որով խախտվում է Սանիտարական կանոնների և նորմերի հավելվածի 4-րդ գլխի 37-րդ կետով սահմանված պահանջը:

Հարուցված վարչական վարույթի շրջանակներում 2019 թվականի մարտի 4-ին, ժամը 12⁰⁰-ին Տեսչական մարմնի Հարավային տարածքային կենտրոնում (ք. Արտաշատ, Արտաշատ-Դալար փ.3) տեղի է ունեցել վարչական վարույթի լսում:

Վարչական վարույթի լսմանը չէր ներկայացել «ՐԻՏԱՐՍ» ՍՊ ընկերության տնօրեն Արմեն Հակոբյանին՝ չնայած ծանուցմամբ տեղեկացված լինելուն:

Հիմք ընդունելով վերոնշյալը և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 1-ից մինչև 7-րդ գլուխների հոդվածների համարներով, «ՀՀ Բնակչության սանիտարահամաճարակային անվտանգության ապահովման մասին» ՀՀ օրենքի 9-րդ հոդվածի 2-րդ մասի 4-րդ

կետի և ՀՀ վարչապետի 2018 թվականի հունիսի 11-ի N 755-Լ որոշմամբ հաստատված ՀՀ առողջապահական և աշխատանքի տեսչական մարմնի կանոնադրության 11-րդ կետի 1-ին ենթակետի, 19-րդ կետի 7-րդ ենթակետի պահանջներով.

ԿԱՐԳԱԴՐՈՒՄ ԵՄ

«ՐԻՏԱՐՍ» ՍՊ ընկերությանը՝ ի դեմս տնօրեն Արմեն Հակոբյանի.

1. Սույն կարգադրագիրը ստանալու օրվանից 30-օրյա ժամկետում ձեռնարկել համապատասխան միջոցառումներ՝ ապահովելով ՀՀ առողջապահության նախարարի 2009 թվականի ապրիլի 16-ի N 06-Ն հրամանի հավելվածով հաստատված «Հասարակական զուգարաններին ներկայացվող հիգիենիկ պահանջներ» N 2-III-2.13 սանիտարական կանոններով և նորմերով, ՀՀ առողջապահության նախարարի 2010 թվականի հոկտեմբերի 01-ի թիվ 21-Ն հրամանով հաստատված «Ավտոբենզալցակայաններին և ավտոգազալիցքավորման ճնշակայաններին ներկայացվող հիգիենիկ պահանջներ» N 2.1.7.004-10 սանիտարական կանոնների և նորմերի 3-րդ գլխով սահմանված պահանջների պահպանումը: Դրանք են՝ «ԳԱԳԱ-ԷՏ» ՍՊ ընկերությանը պատկանող՝ Մրգավան համայնքում գործող գազալցակայանի.

- 1) Զուգարանի մոտեցման ճանապարհը ապահովել համապատասխան ցուցատախտակներով:
- 2) Զուգարանը ապահովել մաքրման գույքի պահպանման համար սենքով կամ պահարանով, անհատական խցերում և նախամուտքում պատի կախիչներով:
- 3) Ապահովել զուգարանն հեղուկ օճառով, ձեռքերի չորացման համար էլեկտրական սարքով կամ թղթյա միանվագ օգտագործման սրբիչներով, զուգարանի թղթով, խցիկներում՝ աղբանոթներով:
- 4) Լուսամուտի օդանցքները ցանցապատել:
- 5) Մաքրման գույքը պահել առանձին սենքում կամ պահարանում:

- 6) Հասարակական զուգարանի մաքրման և ախտահանման աշխատանքների վերաբերյալ պատին փակցնել ժամանակացույց, որտեղ աշխատակցի կողմից պետք է կատարվեն նշումներ՝ յուրաքանչյուր մաքրման աշխատանքից հետո:
- 7) Հասարակական զուգարանի ախտահանման համար օգտագործել 1%-ոց քլորամին Բ, վացոլ-ախտահանող միջոցներ՝ 5 գ. 100սմ² մակերեսի հաշվարկով, 0.5%-անոց վացոլ նյութի և քլորամին Բ-ի խառնուրդ, կալցիումի հիպոքլորիդի (0.5%) կամ Առողջապահության նախարարության կողմից սահմանված կարգով թույլատրված համարժեք այլ լուծույթներ:
- 8) Կատարել միջատասպան և կրծողասպան աշխատանքներ՝ ներկայացնել միջատասպան (դեզինսեկցիոն) աշխատանքների իրականացնելու փաստը հավաստող փաստաթղթեր:
- 9) Ապահովել հասարակական զուգարանում կենցաղային աղբի կուտակումը կափարիչի ոտնակային հարմարանքով աղբարկղերում տեղադրված պոլիէթիլենային տոպրակներում:
- 10) Հասարակական զուգարանի սենքերի օդային միջավայրը հոտից և վնասակար մանրէներից զերծ մնալու համար ենթարկել ճառագայթման (օզոնացման միջոցով)՝ առնվազն երեք ամիսը մեկ անգամ:
2. Իրականացված միջոցառումների վերաբերյալ 30-օրյա ժամկետում գրավոր տեղեկացնել Տեսչական մարմին:
3. Սույն կարգադրագիրը ծանուցել «ՐԻՏԱՐՍ» ՍՊ ընկերության տնօրեն Արմեն Հակոբյանին (<< Արմավիրի մարզ, Նորակերտ համայնք):



Восстановимая подпись

X

VERIFIED OCSP 25.03.2019 17:20:12 GMT+4

Подписано: KHURSHUDYAN EDGAR 4001830221

ԷԴԳԱՐ ԽՈՒՐՇՈՒԴՅԱՆ

Սույն կարգադրագիրն ուժի մեջ է մտնում վարչական վարույթի մասնակիցներին իրազեկելուն հաջորդող օրվանից:

Սույն կարգադրագիրը ստանալու օրվանից 2 ամսվա ընթացքում կարող է բողոքարկվել ակտն ընդունած տեսչական մարմին կամ ՀՀ վարչական դատավարության օրենսգրքի 72-րդ հոդվածով սահմանված ժամկետում՝ ՀՀ վարչական դատարան: